

www.BibleForChildren.org



Juan 14



Siin ka'an Jesús, ti ni kachi ya: –Koto xndi'i ra ini ra naa ra. Kandixia ndaa nuu maa Yandios. Ti suni kandixia ndaa ru'u. Na kachi ndaa ri nuu ra naa ra ja nuu kancha Tata ri, iyo kua'a xaan ve'e nuu kunchuku yivi naa i. Ti sia'an ka'an ri chi jandaa ndixia kuu. Chi sa ti tu, va tu kachi ri sia'an nuu ra.



Ko vanuxia kin no'on ri yukan, ti yukan satu'va ri nuu kunchuku ra. Ki'in ri ti satu'va ri nuu kunchuku ra. Ti nu ja ni kuu nakoo, nandeokuñi tuku ri ti nchaa ri kii nukuaka ri ro'o naa ra, nava na kunchuku ra nuu kuncha ri yukan.



Maa ri kuu Juan ti chaa ri jnu'un ja'a nuu ra naa
ra. Ru'u kuu ñani ra ja suni yi'ti ri nda'a Jesús,
ya kuu Cristo. Suni sia'an nanu ka ndo'o

ro'o naa ra sia'an ni ndo'o
ri nundo'o siki ja ka

kandixia yo
Jesús.




tin nuu ta'u jniñu Yandios nuu yo vijna, ti in nuu
ja'a Jesús jnundee ini yo nava na kundee yo ni
kanchuku yo nuu ñuyivi ja'a, undi kivi


kivikoyo yo ñuu nuu ta'u
Yandios jniñu.



Ni ka'an kaji ri jnu'un Yandios siki Jesús. Ja yukan ni ka jni da ru'u ja kuu ri presu, ti ni chu'un da ru'u undi nuu isla ja nani Patmos.




Yukan ni maa Espíritu ni yinda'a ya ru'u kua'an ri nuu andivi. Yukan ni jini ri ñin mesa nuu nukoo maa ya ja ta'u ya jniñu.



Sa ti ru'u Juan, ni jini ri ja ni ka'an tendi'ti ja ni sa'a
Yandios ja iyo ini andivti, jiin ini ñuyivti, jiin chii ñuyivti,
jiin ini mar. Ti ndi'ti yukan ni ka
ka'an: Kusii xaan ini yo ja ka'an
yo ja va'a xaan kuu Yandios ja
kancha ya nuu mesa ja ta'u ya
jniñu.




Kusiñ xaan ini yo ja ka'an yo ja va'a xaan kuu Lelu
Yandios ja kancha nuu mesa nuu ta'u ya jniñu. Ti
na koo yo ja yiñu'un nuu ya, chi vii
xaan kuña'nu ya undi vijna ti
undi ni kani ni kuiya. Ni ka kachi i.



Yukan ti ru'u Juan, ni jini ri maa ñuu ii ja kuu Jerusalén jaa. Ni kuun vaji ichi andiví nuu kancha Yandios. Ti vii xaan kaa nanu kaa ñn ña'an ni ndukutu ii ja nanda'a ña jiin yñ ña. Ti ni jiniso'o ri ñn ndusu ja ni ka'an jaa ichi andiví. Ni ka'an nuu mesa nuu ta'u jniñu, ti ni kachi:

–¡Nde'e! Vijna
ti kancha
Yandios ma'ñu
yiví naa i.


Ti kanchuku yiví jiin
maa ya. Maa i ka kuu
yiví ya, ti maa ya
kancha jiin yiví naa i.



Yukan ti ángel un ni xna'an ya nuu ri ñin yucha ini ñuu un. Ti yucha un iyo ndoo ii kuiti ja ndincha ii nuu. Ti yucha un ni kaña chii mesa nuu ta'u Yandios jniñu jiiin maa Lelu ya. Ti jika nducha un ja kuu maa yivi kanchuku ja kuu taka saa ni yukan.



Ni tu nandi'ti yivi un naa i ja ndincha nduva ndikandii ni ja ndincha nduva yoo, chi maa Yandios jiin maa Lelu ya kuu ja xndincha ni tu'u nuu yivi ñuu un.




Ko tu kuu kuiti kivi ñin
yivi ja ni kanda nanu
ina ini ñuyivi ja'a. Ni tu
kivi kuiti yivi ni ka sa'a
jniñu ndeva'a, ni yivi ja
ni xnda'u jna'an. Tu kuu
kuiti kunchuku yivi un
ini ñuu yukan. Chi maa
ñin maa yivi ja yoso sivi
i nuu tutu maa Lelu
Yandios, maa ñin maa i
kuu ja kivi ini ñuu
yukan. Yukan kuu maa
yivi ja kunchuku ini ñuu
ii, ñuu Jerusalén jaa un.




Ni kenchaa ya taka ja ja'a
jnukui'ya ini, ti tukaa ga kondo'o i
kue'e ja kuū i. Tukaa ga kukui'ya
ini i, ni tukaa ga kati i nducha
nuu i ja nde'e i. Ni tukaa kondo'o
i, chi ja ni ya'a taka nundo'o ja ni
iyo un kua'an –ni kachi ndusu
un.




Ti taka ja ka jito u'u Yandios tukaa kuu kuiti kivi ini ñuu yukan. Maa Yandios kancha ya nuu mesa ja ta'u ya jniñu jiin Lelu ya. Yukan kanchuku yivi ya, yivi ja nuu maa ñin ni maa ya ka junukuachi i. Ti ka chiñu'un i maa ya. Ti kuni i nuu ya kuu nduu kuu ñuu, ti kuncha sivi ya yujiña i.



Yukan ti ni jini ri taka yivɪ ja ni ka ji'i, ni ka ndututu i yukan. Ni ka ndututu yivɪ ja ni ka kuña'nu. Ni ka ndututu yivɪ ja ni ka kunda'u i. Tendi'ti i ni ka ndututu nuu maa ya. Ti ni nuña ñin tutu nuu ka yoso nasa ni ka sa'a yivɪ naa i. Ti ni nuña ñinga tutu nuu ka yoso sivi yivɪ ja kin kunchuku i jiiin Yandios. Ti nasa yoso nuu maa tutu un, nasa kuu maa jniñu ni ka sa'a yivɪ naa i, ja siki yukan na ti xndichi ndaa ya taka jniñu ni ka sa'a i. Chi vanuxia tu yoso sivi i nuu tutu Yandios, ti tu kunchuku kuiti i jiiin ya. Ja yukan keni'in ya i ki'in yi nuu kanda'a kua'a ñu'un un.




Ti ndiyo ini maa Espíritu Yandios ja nchaa yachi Jito'yo Jesús. Ti suni sia'an ka ndiyo ini yo, chi nuu maa ya ka kuu yo nanu ñin ñasi'ti ja ni nanda'a ña jiin yï ña. Ja yukan na kachi yo ja nchaa yachi Jito'yo. Ti suni sia'an na kachi taka ga yivi ja kuniso'o i jnu'un ya.



Ti nu iyo yivi ja ndiyo xaan ini i ni'in i jnu'un ndaa
Yandios, ti kundiyo ini i ja kuncha i jiin ya, ti na
kakanta'u i nuu ya ti na kua'a ya nuu i, ko kua'a ya
sia'an ni ta'u un kuta'u i, ansu xiko ya.



Nanu kua'a yo nducha nuu ñin yivi nuu ichi i, suni sia'an
kua'a Yandios nuu yo nu na kakanta'u yo nuu ya. Ti tu
chikua'a ya ja kua'a ya nuu yo, chi uuni kua'a ya.
Yukan ti ni'in yo ta'u ja kuchaku yo jiin ya ja kuu saa ni.



Ni kunda'u xaan ini Yandios yivi ñuyivi. Ja yukan kuu ja ni taji ya se'e ya ni kii ya, vasu maa iin ya ni kuu Se'e Yandios. Ni kii se'e ya nuu ñuyivi nava taka yivi na kandixia ya, ti tukaa jna'nu ndatu i, ti kunchuku i jiin Yandios ja kuu saa ni.



Romanos 3:23

Chi ndi'ti yivi ni ka sa'a i kuachi, ti yukan kuu ja tukaa janta'u Yandios maa i, chi maa ya kuña'nu xaan ga ja tu kuni kuantu'u ni ñin yivi jiin kuachi.

Romanos 6:23

Chi jandaa kuu ja ta'u ka ni'in yivi siki kuachi i kuu ja na naa i maa i. Chi su'va, ta'u ja kua'a Yandios nuu yo kuu ja kuchaku yo ja kuu saa ni, chi ni ka yi'ti yo jiin Jito'yo Cristo Jesús.

Hebreos 9:27

Ti sia'an nanu ka ji'i yivi ñin jinu ni, ti suni sia'an kii juicio ja xndichi Yandios i, ja na sa'a ndaa ya taka jniñu ni ka sa'a i nuu ñuyivi ja'a,



Efesios 2:8,9

Ti ja ni kunda'u ini Yandios ro'o naa ra kuu ja ni sa'a ya ja na kandixia ndaa ra taka jniñu ni sa'a ya. Chi ansu ja ni ka ndo'o ini maa ra kuu ja ni ka kandixia ra, chi maa Yandios ni kachi ja sia'an ti sa nanita'u ra naa ra. Ansu ja ka sa'a yo ja va'a, chi maa iin ni ja ni kunda'u ini ya yo'o. Ja yukan kuu ja tu kani vixi ini yo ja mani maa yo ni ka nama yo maa yo.

Romanos 10:9,10

Ti nu ka'an ndaa ra ja jito'o ra kuu Jesús, ti nu kandixia ra jiin ni ini ni añu ra ja ja ni nandoto ya ma'ñu ñuji'i, yukan kuu ja keta'u ra nuu Yandios. Chi jiin ni ini ni añu yo kandixia yo ja ni ji'i Jesús ja'a yo, ti siki un kachi Yandios ja tukaa jna'nu ndatu yo siki kuachi yo. Ti ka ka'an ndaa yo ja Jito'yo kuu maa Cristo Jesús, ti jiin yukan keta'u yo nuu ya.



Juan 3:16,17

Ni kunda'u xaan ini Yandios yivɪ ñuyivɪ. Ja yukan kuu ja ni taji ya se'e ya ni kii ya, vasu maa ïin ya ni kuu Se'e Yandios. Ni kii se'e ya nuu ñuyivɪ nava taka yivɪ na kandixia ya, ti tukaa jna'nu ndatu i, ti kunchuku i jiin Yandios ja kuu saa ni. Sia'an ni taji Yandios Se'e ya nuu ñuyivɪ. Ko tu ni taji ya Se'e ya ja na ka'nu ndatu ya yivɪ, chi su'va ja na nama ya yivɪ naa i.

1 Juan 5:11-13

Ti ja'a kuu jnu'un ndaa ni ja'a ya nuu yo ja na kuchaku yo sia'an ni ga jiin ya. Chi ja ni siuku Se'e ya jniñu un na ni ji'i ya ja kuu yo ja na kuchaku yo jiin ya. Ti yivɪ kandixia ndaa Se'e Yandios, ja ni nita'u i ja na kuchaku i jiin ya, ko yivɪ tu kandixia ndaa Se'e ya, tu ni nita'u i ja na kuchaku i jiin ya. Chaa ri tutu ja'a nuu ro'o ja kandixia ndaa ra Se'e Yandios, nava na kuni ndaa ra ja iyo ta'u ra ja na kuchaku ra sia'an ni ga jiin ya.



Juan 14; 2 Corintios 5; Apocalipsis 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Mixteco, Yosondúa NT (mpm) © 1988,
Wycliffe Bible Translators, Inc. All rights reserved.

<https://live.bible.is/bible/MPMTBL/MAT/1>

©2025 Bible for Children, Inc.

www.M1914.org

www.bibleforchildren.org

